

Nire bizimodua

Ni irakaslea naiz. Frantsesa eta italiera irakasten ditut. Normalean nire ikasleak espainiarrak eta marokoarrak dira. Ikasle gutxi ditudanez, ez dut lan handirik egiten, egunean bizpahiru ordu, gehienetan arratsaldean. Batzuetan etxean lan egiten dut, beste batzuetan ikasleen etxera joaten naiz. Goizean goiz jaikitzen naiz (6etan), ibiltzera irteten naiz eta ondoren hizkuntzak ikasi eta irakurtzen dut. Ordu bietan bazkaltzen dut etxean eta gero ordu erdiko siesta egiten dut. Arratsaldean, eskolen ondoren, bizikleta egiten dut eta musika entzuten dut. Ohera joan aurretik, berriro irakurtzen dut eta goiz oheratzen naiz, 10:30etan aldera.